



## Հ Ա Ն Ք Ի Ս Տ

ԳԵՐ. Տ. ՄԱՄԲՐԵ ԱՐՔԵՊԻՍԿՈՊՈՍ ՍԻՐՈՒՆՅԱՆԻ  
(1891—1966)



Երկարատև հիվանդությունից հետո, հոկտեմբերի 9-ին, կիրակի, Կահիրեում, ի Տեր հանդիմով Եգիպտոսի հայոց առաջնորդ, դեր. Տ. Մամբրե արքեպ. Սիրունյանը:

Լուսահոգի Տ. Մամբրե Սրբազանը, ավագանի անունով Արշամ, ծնվել է 1891 թվականին, Կարին քաղաքում: Նախնական կրթությունը ստացել է տեղի նոխակրթարանում, ապա ընդունվել է Արմաշի դպրեմլան-

քը, որի դասընթացն ավարտելով 1913 թվականին սարկավազ է ե 1916 թվականին կուսակրոն քահանա է ձևոնադրվել Տ. Մեսրոպ եպս. նարսյանից:

Երիտասարդ վարդապետը այնուհետև կոչվում է թեմական, վարչական, կրթական պատասխանատու պաշտոններին:

1918 թվականին նշանակվում է առաջնորդական փոխանորդ Պորտ-Սահիդի վրանաքաղաքի, և տեսուչ՝ Հ. Բ. Ը. Միսթյան որբանոցի:

1920 թվականին Մերսին քաղաքի Ս. Գրիգոր Լուսավորիչ եկեղեցում Տ. Սահակ կաթողիկոս հասպայանից ստանում է ծայրագույն վարդապետական աստիճան, 1923 թվականին, Եգիպտոսի հայոց առաջնորդ Տ. Թորգոմ արքեպ. Գուշակյանի օրոք, նշանակվում է Աղեքսանդրիայի հայոց առաջնորդական փոխանորդ, պաշտոն, որը կատարում է մեծ արդյունավորությամբ:

1931 թվականին ընտրվում է Եգիպտահայ թեմի առաջնորդական փոխանորդ, և այդ պաշտոնի վրա եպիսկոպոսանում է 1933 թվականին, լուսահոգի Տ. Տ. հորեն Ա. կաթողիկոսի շնորհաբաշխությամբ:

1936 թվականին Մամբրե Սրբազանը, իր եկեղեցյանվեբ և ազգագուտ գործունեության համար, արժանանում է հայրապետական բարձր գնահատության՝ Ս. Գրիգոր Լուսավորչի առաջին կարգի շքանշանին:

1945 թվականին ընտրվում է Եգիպտոսի հայոց թեմի առաջնորդ, ուր ծավալում է թեմական, վարչական, կրթական, հասարակական բեղուն գործունեություն մինչև իմահո:

Տ. Մամբրե արքեպիսկոպոսի մահով Հայ. առաք. եկեղեցին կորցնում է հավատավոր, նվիրյալ, իր կոչման ու առաքելության բարձ-



րության վրա գանվող հոգևորականներից մեկին:

Վեհափառ Հայրապետը Տ. Մամբրե արքեպիսկոպոսի մահվան առթիվ խորապես լշտահար, հոկտեմբերի 12-ին հետևյալ հեռագիրն ուղարկեց մեր նվիրապետական Աթոռներին և թեմերին:

«Վշտով կծանուցտենք, որ Մամբրե արքեպիսկոպոս Սիրունյան՝ բարեջան և բազմավաստակ առաջնորդ Եզդիպոսի հայոց, հանգյտի ի Տեր: Կհրահանգենք՝ բոլոր եկեղեցիներու մեջ կատարել հոգեհանգիստ, կիրակի օր՝ հոկտեմբերի 16-ին՝ խոսելով անոր անբասիր կյանքի և նվիրյալ հոգևոր գործունեության մասին: Թող Տերը լուսավորե հանգուցյալի հոգին և անսասան սլահե Հայաստանայց եկեղեցին»:

Վեհափառ Հայրապետի հրահանգով Տ. Մամբրե Սրբադանի թաղման ներկա են եղել հանուն Մ. Աթոռի, գեր. Տ. Շահնեպոս. Ա. ճեմյանը և Տ. Ներսես վրդ. Բապուճյանը:

Հոկտեմբերի 16-ին, Մ. Տաճարում, հավարտ Ս. պատարագի, Վեհափառ Հայրապետի նախագահությամբ կատարվեց հոգեհանգստյան մասնավոր պաշտոն, նորոգ հանգուցյալ Տ. Մամբրե արքեպիսկոպոսի հիշատակին:

Արարողությունից առաջ հոգ. Տ. Գարեգին Ժ. վրդ. Գազանճյանը հուզիչ զամբանտկան խոսեց, վեր հանելով հանգուցյալ Տ. Մամբրե Սրբադանի կյանքի ուսանելի կողմերը:

Թող Աստված իր անթառամ փառքին արժանացնի հանգուցյալ Տ. Մամբրե արքեպիսկոպոսի հոգին, դասելով նրան հայ եկեղեցու բարի ու նվիրյալ քաջ հովիվների շարքին:

